

ORATIO.



VM TROPHÆVM, quod est omnium Christianorum rectè credentium, docentium & discientium doctrinam caelestem, constituimus, hoc est, enarrationem & Exegetin Symbolorum Catholicorum & verè Oecumenicorum, Apostolici, Niceni, & Athanasiani, absoluerimus, nunc ad Confessionis Augustanae explicationē in nomine & invocatione Filij Dei Domini nostri Iesu Christi, accedimus, & symbolis illam proximè adiungendam & copulandam esse indicamus, cum & ipsa hodie sit nobis symboli Christiani loco, & contineas ὑποτύπωσιν τῶν ὑγιαίνόντων λόγων, fidei scilicet, doctrinaeque salutaris, & articulorum & capitum omnium & singulorum totius militiae Christianae.

Etsi autem ἀνευ προοιμιῶν ad hanc Exegetin sacrosanctam, & omni acceptatione dignam conferre nos volebamus, ne prolixitate τῶν προλεγόμενων, forte detineremus auditores, qui rerum magis, quam praefationum, & digressionum copiosarum, quibus saepe inutiliter tempus consumitur, & studiorum progressus impeditur, rationem habere debent: tamen, considerantes, quàm sit non